

國
朝
詩
鐸

國朝詩鐸卷十九

錢唐張應昌仲甫選輯

考試

考棚做官吏

有妄希夤緣者私諷家奴余憫其愚思曲宥而善全之然不可不明示懲

儆也乃於覆試諸生日設套盃公案上注水滿之令其人捧而擲諸堂下彼則愕然余謂曰爾惜之乎爾身弗惜而惜此區區者乎率使擲之復謂曰一經敗壞能復全乎吾與爾猶是也忘身徇賄直鳩酒止渴耳其人免冠謝涕泣悔罪遂宥之而作是詩儆之

周 壽

美璧擬玉石清泉表潔白注泉盈瓷盃捧持防顛越無心或偶誤有心誰棄擲情事所必無智昏竟荒惑棄擲

爾奚疑爾身且弗惜吁嗟乎爾身弗惜余心憂爾不見
瓦裂不復全水覆不復收爾身弗惜余心憂

貢院蓬號詩

呈觀風使焦公

羅天尺

雍正十年秋是歲爲壬子岐西鳴鳳皇山東產麟趾德
與至聖孚卿雲生闕里泰運兆文明甌駱亦蔚起粵地
位南離萬人應大比號舍不能容編籩竹爲壘上自至
公堂下至龍門止甬道分東西三千尙餘幾士子魚貫
進執卷細諦視吏人曰瓦號不啻千金市我也逐隊來
任運無希企乃坐甬道東位列龍門尾掌管導我前揮
旗遙相指丈室爲一區區列五十几几外路旁行短籬

界疆理通望數十區蜂房略相似有如居肆客喧豕列
筆紙不則發童蒙包書共觸抵席外環火爐雜沓呼湯
水鄰生偶動觸墨漬滿行裏相戒勿橫肱三年一望此
况罹水火災兩端靡所底天陰虞雨漏燭炎防風駛捫
腓蟲舐膚伸頭竹集矢救死尙不遑作文餘事耳因思
聖朝恩惠愛被多士廣額復加科增費弗云糜豈惜屋
數間大庇寒士體毋乃九重高未悉此原委因作籓
廠篇上備輜軒采

分校

袁枚

沈沈棘院華堂開戰酣萬蟻鱗甲來主司衮冠南面坐

簾官綈几東西排一十八人眼如漆一十八枝筆植鐵
硃字迷離照眼紅疑是諸生心上血披沙揀金金未收
暗中默禱心中求榜後但聞舉子怨此時誰識簾官愁
百鳥叢中一鶚見再拜親標某官薦朱衣可得點頭無
偷眼還看主司面孫山以外雖漫漫我誓加墨心才安
紅勒欲下不輕下訓誨還當子弟看可惜一卷文超羣
五經紛綸并大春主司搖手道額滿怪我推輓何殷勤
明知額滿例難破額內如渠有幾個獄底生將寶劒埋
掌中空見明珠過吁嗟乎科名有命文無功君不見李
方叔蘇文忠

泣楚訓多士作擬香山新樂府

九首鮑桂星

苜蓿盤 勵學官也

苜蓿盤何闢干廣文先生對之起長歎先生勿歎聽我
語一粟一絲 君賜予俸錢雖薄官稍卑道德自尊貧
亦撫紛紛銅墨謁上官起居曲跼誰敢愆先生長揖告
就坐師儒之體猶幸存青青子衿在城闕佻兮達兮莫
敢過先生呼來夏楚之俛首何辭受嚴罰 朝廷待先
生置之籩豆磬鼓間不使鸞刀漫腥羶士子於先生無
異父兄耆長然要須儀範自我端儀範端來師道立弓
就排檠繩縮直種成桃李芟荆棘夕聽絃歌夢亦清朝

吟詩句饑忘食饑可忘食何有苜蓿味長君憶否君不見湖州教授胡先生經義治事兩齋千載垂令名

鳴講鼓 傲多士也

鳴講鼓升講堂圓冠方領紛濟蹌 列聖謨訓何洋洋
論孟四子存篇章次第進講語焉詳講罷揖退趨負牆
使者呼來前諸生吾語汝汝聽講書作何語煌煌 臥
碑與 聖訓洙泗鄒嶧心同苦百五十載貽 哲孫又
十六年 教澤新曰正人心厚風俗於爾多士尤諄諄
總以闡揚 聖祖 神宗金玉言金玉言君聽取聽取
以心勿以耳植品須教砥礪圭。讀書豈爲榮簪組。根源

孝弟醇行百。糾殫夙夜嚴刑五。掘井及泉山覆土。拙不能巧將勤補。不爾何勞鳴講鼓。

崔角 憫獄訟紛而士習斁也

崔角穿我屋。鼠牙穿我墉。周時南國偶有此。奈何今日士子沿成風。使者下車纔幾日。紛紛積牘堆成帙。使者聑節不數旬。每出必有遮輿人。一張訴牒輕如羽。朝入縣衙暮開府。未曾讞鞫先遁逃。不然上擊登聞鼓。就中豈無覆盆冤冤者。不如僞者繁嗟爾書生何事逞刀筆。可憐只爲身饑寒。饑寒未除先謻辱。脫去青袍著囚服。拋棄交親離骨肉。使者吞聲爲一哭。

坐堂皇 嚴扃試也

坐堂皇堅坐不動形枯僵自從四更點名籍東旭坐到西斜陽旁人語使者何不暫入房何不偃在牀使者答言君不曉君看堂下坐者人多少叉手成文有替人隔牆傳信憑飛鳥不坐堂皇可奈何坐來猶恐疎防多昔年豫州堂堂坐摘奸發伏紛如麻釐於是溺於是甲乙丹黃悉於是一心兩眼坐忘勞剔除百弊當自此百弊何能不一藏畢竟此法嚴關防自今勿憚坐堂皇

鎖院燭 述衡校之苦心也

鎖院燭光熒熒膏銷燄短翦復明中夜千卷披縱橫縱

橫千卷往而復沈吟未肯投廢簾不是沈吟不肯投我
祖曾爲閩嶠遊歸來一臥三十載我乃七踏金陵秋金
陵三條鎖院燭燭淚蕤乾人淚續人有升與沈淚無昔
與今昔淚泣我掌中硯用范喬事今淚悲君爨下琴零珠斷
壁不忍棄况乃全篇錦繡佳文字佳文一卷不入眸誓
教雙眼成枯翳烏虜此情那許他人知惟有鎖院之燭
能喻之燭花地盡榜花發是我抽毫覓句時

訓士愛士

粵西城中創立義學十七處

陳元龍

始余入粵城寂不聞書聲今余巡粵城絃誦聲已盈仿

拂身遊鄒魯間不似灘江與桂山問云一十七處之義塾童冠濟濟講讀無時閒文翁化蜀蜀士盛常袞教閩閩俗正人材不擇地而生願爾家家師孔孟

學校歎

徐昂發

先王制禮樂學校惟宏綱四代學固殊數亦冬春更擇賢以教士柔養使自臧笙匏歛雅頌盤辟執篴篴磨揉速躁心優游俟其成周衰王道缺聖教罕翼匡學官與弟子器習義則亡有識隱山澤六經自攜將諸王就習禮絃歌滿廡廊當時稱極盛鄒嶧西河鄉永平置辟雍番夷爭受經太平飾美觀庠序卒未宏文皇崇先聖闕

里專祭祔皇族及郡國橫舍增千廂七營飛騎衛生徒
列成行開元毀先典道舉歎雜龐宋世學具設熠然文
治昌師嚴道迺尊立法蘇湖良廣內賜九經睢嶽廬嵩
陽耆儒隱不仕若揚孫頴常舉命教本州薰德多才英
沿流逮有元餘韻猶錚錚書院山長設壹以德行揚斯
風漸漸滅擇師弗審詳博士空倚席弟子徒面牆矧乃
資格破敝苟懸魚梁臯比設講座三揖升貴郎用頑以
治哲用闇以訓明譬如飾瓦礫而欲琢球璋其號稱職
者帖括爲士程亂似黿蛤吠細若蠅蚓鳴豈知咸莖奏
拊翼交鸞皇在昔立學初陳義何深長德藝爲種耨棘

寄爲隄防制度久淪墜禮意多愆忘明堂高嶷嶷辟雍
水泚泚誰定太常議三古追頡頏

敷文書院示諸生

金 鉉

古人重德器學問徵威儀威儀以定命爰繫身安危衣
冠貴整飭敬慎惟福基乍慕子衿盛短後俄肩差急裝
從役便故非逢掖宜今來日初上廣廈延清飈按籍授
之卷禮度期矜持白袍疑立鵠帽脫襟已披我方抗顏
坐詫爾還自嗤正如演村劇參軍踞牀癡聚觀無體貌
掩胥羣兒嬉吾鄉擅文雅修飾多溫其云何禮法地喬
野忽至斯 三朝勤樂育謨訓長昭垂章身蚤屏棄相

鼠忘歌詩他年青雲上隨方擁臯比諸生有如此能勿
指瑕疵自反務進德介福神所司

題盱江書院壁

翁方綱

我再來盱江重借琴城宿淵源千載意寤寐籌之熟此
邦富秀良天意栽植篤山川含粹精人文聚清淑所貴
於經術非爲炫巾麓必有眞光芒貫弗汗青竹古人破
萬卷所以日三復緬惟直講公類彙編更續況乎集隆
平何減校天祿上接匡劉揚司徒掾所錄一稟於儒林
陳常樹之穀後賢當如何崑嶠日剖玉中和樂職詩仇
仇徧閭族風暄講堂側日聽絃歌肅西江第一郡陶冶

深卷軸質厚以爲本箴銘誦山谷

書學署批詳存稿後

州縣於事涉生監功名者例申三院學政亦得察核分別

淮駁舊由稿房吏擬批大半依樣葫蘆仍候督撫示繳而已余閱招冊不盡得當逐細指究期無枉縱另文咨督撫幸虛懷共濟事多平反作是詩○視學湖南作褚廷璋

學政持文衡教養責兼舉懷刑君子素速獄慎雀鼠讞
成待稽閱經心幾迎距出入輕重間虛中戒莽鹵於義
有未安模稜亦何取熟精律例旨詞不憚覲縷親民父
母官堂下託咻怙求伸反得屈語激或逢怒每以瑣細
因被斥過難補原情示矜宥勿使魚入罟殷殷樹人意
所幸衆咸覩回頭語多士束修其自努鈞金凜前途慎

勿恃恩撫

書學署批呈存稿後

學政按臨試前例得放告每棚呈狀約數十紙凡關涉生

監行止宜究辦者批交提調官查報其大較也
余思學政於諸生如父兄於子弟有教化之責
遇案涉倫常事每於批究外躬親傳訊委曲譬
曉俾無終訟幸諸生能覺悟聽從多感泣悔罪
全倫者立取遵依銷案是知人無
不可教在司教者盡心爾作是詩又

三年多士師瓜期卽受代匆匆馳試節丹黃勞殿最初
當釋菜辰後及簪花會駢肩或企踵次第受諄誨所嫌
日力短過此少酬對家庭始倫紀姱修或滋類展轉煩
兩辭將母拊衷愧招來函丈間開示首敬愛惟漸理明
切不厭辭瑣碎心輸淚與俱芒刺疑在背誓當勉蓋愆

終身佩箴誠忠言固易入曠若發蒙瞶卓哉至人訓有
教自無類矯首堂額懸余心庶常在

示諸生

劉錫五

居處不衣冠人道而牛馬國儉示以禮責亦在儒者我
偶乘輿出有人避道左短衣不掩胛跡類叢笑裸顧我
爲啞然非他秀才也書生多苦寒豈必服瑳瑳三澣固
無傷巾帶關風雅焉有儒行儒甘效野人野

示高安諸生

高安卽
遠安縣

詹應甲

俗儒誤講章俗吏困塵案所言與所行精神皆不貫讀
書如讀律有本非武斷不學同面牆違道必越畔諸生

守章句經史涉河漢強之始作文其文多腐爛修辭不立誠何以樹骨幹三復昌黎言陳言去其半

阮元行賑示官士詩見賑饑門

鮑桂星示楚士詩見考試門

士囚歎

錢師曾

可殺不可辱士氣固要伸所以懷刑者凜凜保其身昨日過府治鞠囚鑄中門敲扑聲徹外哀苦不忍聞借問訊何盜云是庠序人哀哉蹈非辜道路語或真川潰不可遏冰堅不可溫士林鬱然歎相顧恥冠巾國家恤刑意累朝養士恩甚知長官恕甚戴長官仁長官坐

臺府讀書致青雲一息同氣愛豈無惻隱存我聞古治
獄福祿流子孫往事旣已遠毋貽來者冤作詩告有位
尙鑒無罪言

贈宋小茗學博

王槐

吾聞一命士其力足及物而况聖人官教化所從出廉
恥立大防詞章已微末今來士風衰往往本實撥先生
秉鐸往規戒首宜揭春風化雨敷生意已勃勃文風一
丕變先民自炳蔚勿嫌冷官冷終勝熱手熱

胡敬林中丞新政詩第五篇見善政門

贊

冠蓋里 勗士子也

周凱

峴山南接羅川水華蓋朱軒連迤邐經明行修重漢科
中多卿士及刺史荊州行部歎羨之豐碑大書冠蓋里
忠孝芳名直筆留節義崇坊行路指英雄已說王仲宣
耆舊又傳習鑿齒我朝聲教邁前朝入學莘莘歌霄
子襄陽文章淵藪稱休說今難往古比願修爾行明爾
經讀書豈爲科名起科名之貴亦在人大端忠孝節義
耳不須攻錯借他山以古爲鑑鑑桑梓君不見冠蓋里
學箴六首示諸生

張履

先哲有言志存高遠躋聖軌賢夫孰能限奈何吾徒而
安卑近淹忽此生草木同盡何窮何通何得何喪獨有

千秋斯志必抗

抗志

天之賦命乃在汝心厥心不心匪人而禽胸中誠正泰然天地苟或懷邪俯作仰愧惟邪與正所動在幾植心於此危乎其危

植心

士之守身如在室子苟有疵瑕見棄鄉里世士不悟苟且其爲及其既敗雖悔曷追厲爾介節復爾明性粹然瑩然是曰砥行

砥行

聖人之道備於六經不稽於經譬彼冥行稽經之要實事求是門戶不分爭端奚起經史子集循致精微逮其既久源流貫之

稽經

坐談理高行之事。闕儒效迂疎。曷以宰物在昔聖門兵
農禮樂因時濟用。各有經略。亦有湖州治事名齋時務
之練。爲國儲材。練務

號爲文人。恐藝是囿。不能屬文。亦儒之陋。文有能事。取
精貴多。原本經術。鎔式百家。以陳大法。以闡要義。是乃
至文載道之器。屬文

藝士可辱
府

柳樹芳

士可辱聲欲哭。士不可辱官辱之。四民之首。今可答
國家養士數百年。誰將鞭撻開其先。烏虜官何不自視
出身也。自秀才始。

勸民

四誠歌

秦 鏞

勸君勿作賊作賊非良圖疋布與斗粟所得亦錙銖奈
何惑且狂以之喪其軀從今好爲善明朝有赦書勸君
勿爲盜赤子塗肝腦黠捕利可啖廉吏恩終少天網故
自寬雷電欲相繞一朝法鏡臨頭顱卒難保

右誠竊盜

江濱有奇俗積習傷雅化生男事他人生女不出嫁男
去離膝前壻來寄廡下如登傀儡場骨肉緣皆假兒亦
自有父兒亦自有母一朝兩決絕珥衣向誰舞力田供
子職責逐逢彼怒迴念生我恩泣涕淚如雨兄亦自有

弟弟亦自有兄云何陌路人肩隨且徐行本非共樹花
安有棠棣情一朝相殘賊方知恩義輕哀哉父與母何
忍棄其子財帛重邱山骨月輕敝屣荏苒向衰暮莫敖
鬼將餒生子棄路旁胡不念宗祀生女願有家爲作嫁
衣裳鼓樂相導送土堂拜尊嫜云胡今不然贅壻稱東
牀止抱衾與裯中饋靡所將妾身已生子未識姑舅龐
更有未亡人撫孤不下堂忽有髯如戟來窺舊時粧兒
女呼阿翁親族舉賀觴倫理殆滅絕夷俗真可傷恩男
與贅壻舉國皆如狂願言一丕變醇俗臻義皇右誠恩子贅壻
風人刺雀角大易戒終凶薄俗好相競蝸角爭雌雄無

情恣羅列掉舌鼓凶鋒不念螭蚌持傍有漁家翁衙胥
羅網張市猾智計工啖食衆皆飽贖緩又輸公相顧各
悔禍囊橐亦已空訟理未得直驅納網罟中勞攘復何
益不如歸課農

右誠訟

古人亦有言一死輕重殊喪元固勇上溝瀆祇匹夫強
者挾眦怨瞋目語大呼因之陷刑辟駢首伏法誅弱者
受侵辱憤惋氣不舒不惜赴溝壑魂魄飛幽都嗟彼仇
家子不諳官刑書憾言欲相抵載鬼遂一車願告蚩蚩
氓輕生一何愚隸籍枉死城招魂北山隅當念親生我
身體與髮膚此生雖貧賤慎保七尺軀

右誠輕生

喻邑勸諭歌

張景蒼

我來四載無一長才疎未能挽頽俗無乃空有良鄉名

化不能清秀不擢

清化擢秀喻邑最頭之鄉

尙欠官家九歲糧羽書

絡繹交相促慶逢大有年衣食家家足更邀賦稅輕三
九餘陳粟胡爲國儲抗不輸得樂之處不知樂可免囹
圜拘可免妻兒哭耳不聞差吏呼眼不見蒲鞭辱腊酒
園蔬樂境拋匄畝公庭受敲扑爾盍上體 朝廷憂下
全有司之催督逋欠清完且踴躍不負數年予教育

留別南滙士民

欽 璉

雲間古名郡煩劇初分疆申浦隔東西煙波渺上洋邑

界卽此劃攘賦皆相當余本樗櫟材策蹇來此方相地
城北吉誅茆樹堂皇淺流艱輸輓築倉依浦塘立政學
校先經營備典常壇壝次第建修浚整城隍規模幸粗
具獨力敢自量嗣直吳淞役奔命疲不遑春潮決河隄
吏議附末行蒙 恩赴北闕父老攀道旁依依增繾綣
佇立轉傍徨貧吏無長物贈言抵珮璫東溟尙質朴習
俗猶淳良幸生 聖王世敦本務農桑古聖亦有言土
物愛心臧木棉備織作禾稻供秋糧勤儉絕奢情豈復
懼凶荒升斗周比鄰守望互隄防端睦成仁里奸宄何
由藏健訟終必凶豐隙起豆觴退讓甘守雌先民庶頌

顏正供及早輪鼓腹任徜徉慎勿假手人谿壑仍爾償
呼盧與鼠竊事覺徙他鄉凍餒害妻子離別悲高堂拳
勇諸少年血氣恃方剛結黨弄刀劒往往身命戕魚鹽
海上業新令頒煌煌法豈止城旦罪不遺提筐凡此皆
剝膚改業宜亟商遷延戀舊業勢必罹奇殃乃若詩書
胄世共欽圭璋尤宜自珍惜莫便學矜張公庭非福地
匍匐體統傷刀筆遭陰譴追呼羞膠庠矧吾新造邑泮
水青芹香瞬眼秋風起鹿鳴吹笙簧潛修裕經濟飛騰
佐時康豈惟邦家賴實爲吾道光至於在官者惠逆更
昭彰壞法自貽戚奉公知克昌余忝蒞茲土性迂德更

涼三載兩被黜舉邑奔若狂爲我償逋累爲我束行裝
感茲愛戴意夢寐何能忘我行日已遠我思日以長數
語指梗概所恨未周詳草此謹布告聊以寫衷腸

光州勸民詩

錄四首

楊殿梓

裕儲蓄

朝廷社倉法爲民權緩急治法無治人侵挪弊斯集市
賈又營利負販越他邑今歲儲已空來歲計何及

戒賭博

由來飲博徒弗顧家計罄高燭夜呼盧一唱百十應嗟
嗟良子弟失足入陷阱窘計效穿窬忘身釀人命

懲匪竊

狗偷效羣小雞鳴利孳孳迫以饑寒心卒至靡不爲及其蹈法網後悔亦已遲勸爾循爾分不義當鄙夷

嚴牌甲

匪匪村落中腥風必宣播知情不舉報十家例連坐勸爾左右隣莫爲人受過外戶犬無吠房櫳任高臥

諭農詞

嚴如煜

民生在勤儉山農愚不知凶荒實可畏聽我諭農詞南山古陸海地腴五種宜上農不須糞收穫多逢時種一收屢百堆積如梁茨則輕國賦少荒墾佃租微以此輕

嘉穀往往生淫思燒鍋滿村落成羣酣酒卮社火與影
戲徹夜事遊嬉或者呼盧梟一擲判家貲又或爭牙角
百金構訟辭若乃山土薄石骨本嶮巖雨暘偶失節顆
粒難預期平川人飽食山民傷阻饑東鄰絕朝糗西家
斷暮炊迴思歲方富肥甘供朶頤何知遭此閔柴立骨
難支先民崇淳樸儉者福之基倉箱雖盈積服食無敢
糜餘三至餘九旱潦能撐持有豐必有蓄當安常念危
爾不勤與儉酸心更怨誰

諭民詩

阮文藻

生民如殖禾禾生稗亦產治民如藝蘭蘭滋榛必翦厚

薄恨心存是非憑理遣本無覆日冤何用談天辯東塢
一枯株西溪一破篋調停里正忙勾攝衙胥趂所得僅
毫毛所防猶疥癬城狐飽橐囊田鼠盜畦畎坐告誠含
羞優寬亦幸免用諭偵訟人公庭勿輕踐老僧頻說法
階下虎心善

壯士虬紫鬚剗刃入仇腹誓天許頭顱斫地雜歌哭矯
節魏軍椎懷忿秦殿筑仇深爲國家恩重輕骨肉後世
猶盜書當時第奴畜汝何慕俠游相率欺羣弱鬪狗每
呼朋放鷹還嘯族屠沽雜叫囂酒食相徵逐嘲謔隨撻
胸睚眦遂瞋目用諭鬪狠人誰曾逃訊鞫有田且力耕

何必佩刀犢

麴蘖實亂性。撈捕不救飢。百觚更十榼。醉夢醒何時。五
梟又六雉。狂呼迷若癡。祖宗事纖悉。子孫恣娛嬉。今歲
田書券。明年地立錐。謀生荒畚鍤。炊爨冷門扉。厖債無
從贖。穀場空作師。全家口怨諍。百孔身瘡痍。掩面羞欲
死。低頭訴向誰。用論飲博人。寸金八口資。豪華豈不快。
凍餒切膚肌。

勸農儼古

周際華

來汝農民予告汝。以耕汝不聞。天子祈穀於上。辛親
三推。以示勤。惟暨乃僚。罔敢不欽。矧惟司牧。敢不是循。

矧惟汝農民敢不是遵汝毋逸乃身毋自惰汝形汝有
慈親菽水其何承汝有妻兒啼號其何禁汝有嫗嫗周
恤其何能賦於汝征役於汝興游惰之不懲罔克胥匡
以生我惟時其閱汝耕耕何不深閱汝於耘耰莠不分
不爲非種之鋤而莠稗是并越其罔有西成汝能無悔
於厥心予姑不汝刑爲汝課雨與汝求晴汝熱欲飲予
酌汝以尊汝饑欲食予飼汝以餼惠汝泉刀雖無補於
汝貧聊以見屬勸之殷殷

屠倬
周凱勸蠶織詩見蠶桑門

勸戒詞

楊豫成

勸我民宜孝弟。孝弟非異事。乃是天之經地之義。爾亦有子。爾先不子。爾子奚所視。爾若爲兄。爾弟不弟。爾何以爲情。鳥反哺。羊跪乳。雁行肅肅。齊其羽。而況身爲萬物之靈。本非禽獸。伍何至甘爲梟獍。與豺虎曷不奉爾盤匱。吹爾墳簞。天倫一室。樂怡怡和氣。致祥允在茲。勸我民須勤儉。勤則知所先。儉則知所歛。鑿井耕田。開兩大之不足。飯糗茹草。留百產之有餘。一夫之靡靡。雖衆人省約。亦或受其累矣。終歲之孳孳。但一日宴安。且並從而墮之。豐爾食。鮮爾衣。而勿用其力也。如水之流。其將何所極也。惰農懶婦。游民所以爲斯民之賊也。

勸我民好誦讀人生不讀書行屍而走肉況乎書中之
理無或遺讀書之人無弗宜鉅而綱常倫紀細及日用
之所資任人見仁見知識大識小開卷一一會悟之爾
窮爾理爾自立爾體爾博爾文爾自擴爾聞志在聖賢
豈惟科目之云云究之讀書非科目所能畢科目要爲
讀書所能必不見腰金衣紫爾鄉儘有鄉先達

勸我民完國課周官九賦備農桑洪範八政首食貨經
費所重無則那勿謂出爾民日用所餘累萬千以爲內
府捐輸勿謂奪爾民耕穫所有盈億秭以供太倉紅朽
試問匪其保爾何有於隄防城池匪其治爾衛爾何有

於官師凡修築俸餉之所資一一非錢漕而何有度支
爲官乎爲私乎思之思之應自知之又况徵於爾者未
嘗不於爾乎賚矣得於爾者未嘗不於爾乎貸矣休祥
之錫予災荒之蠲賑榜於通衢者煌煌具在矣嗟乎爾
民日受胥吏之呼號笞杖之敲扑而何不自愛矣

戒我民勿械鬪械鬪閭廣由來舊爾民相染故習扭豈
真有不可解之深仇不得已之苦衷不過錢債細故口
舌中雞蟲得失馬牛風村族飲賽辯起蜂遂乃羊狼狼
貪鴟張翥突各呼醜類爭雌雄不思四海皆兄弟天涯
若比隣矧在枌榆之社桑梓人朱陳許史多姻親何不

相調相救而爲拔刀推刃之信信烏虜殺一命償一命
殺人以衆償亦衆頂兜一節弊尤重以命博錢愚可痛
身亡家破兩無用大聲疾呼爲爾醒此不醒之惡夢
戒我民勿齎匪青蓮白蓮諸名目謔謔出出幾如鬼點
者唱其先謔張爲幻在斂錢愚者墮其局創創依思
求福亦有良儒迫於勢孤立無助動遭忌屈從苟爲自
安計夜聚曉散情形叵測男女混雜奸淫盜賊一朝瘼
狗亡猿恐跳梁聚族駢誅堪太息吁嗟乎斂錢而得匪
名彼或有所利而爲之破錢而得匪名爾又何所樂而
隨之蜂蠆自毒也梟獍自戮也胡勿遵夷易之軌則食

德服疇以同鼓太平之腹也

戒我民勿唆訟薄物細故偶相爭一言渙釋有妙用奈何造有自無以曲爲直輾轉引牽紛紜羅織輕則廢人事重則破人家謂雀有角鼠有牙鬼蜮伺影巧含沙蠲不見天水違行險而健易象昭垂觀其變士紳列衣冠非訟何至禡其顰蚩氓樂妻孥非訟何至歸而逋我願爾民不入畫地牢不對刻木吏爾宅爾田安生計

戒我民勿賭博擲骰推牌么六喝花會標場名紛錯無晝無夜雜坐叫呼抽頭設局實繁有徒能破客者慳能奪智者明盈千累萬爭輸贏金穴倏毀銅山崩孤注一

擲家可傾窮無復之氣忿猶殺人及盜由此生吁嗟乎
博進而失侯富貴何爲此包羞博徒爲上客古今幾箇
毛與薛况乎人果多材而多藝儘有書畫琴棋諸雅事
何至況而愈下爲此牧豬奴之戲

戒我民勿鴉片島夷詭計取人財禍伏隱微人不見和
罌粟汁人膏脂毒痛四海中國徧淫朋嘔友偶燕集息
偃在牀共呼吸一燈相對促其膝曲而不伸如蟲蟄左
右互易役遞執久久酣迷成結習面目黧黑軀骨立氣
喘聲嘶言語澀身死家破嗟何及君不見毒育鴉器有
兵傷人之物孰敢攫何爲甘此如飴忘其生徒以鴉片

之鬼成其名。嗚呼。豈特鴉片之鬼名。非名。法所不容。且將加爾刑。

戒我民。勿盜賊物。各有其主人。貴食其力。翳獨胡爲於此。極小則爲穿窬探囊。胝篋擾邨墟。大則爲搶劫以挺與刃。肆剽掠。局騙之流術。愈工白晝攘財。都市中。方其取人之物。以爲已得意。沾沾良自喜。豈知得與失相連。喜與憂相因。爾雖深自匿。相爾室者。豈無天地與鬼神。爾卽巧於飾。發爾覆者。豈無族黨與鄉隣。一朝捉搦來。老捕私刑官。刑叢爾身。到此悔不爲良民。嗚呼。爾果悔不爲良民。國法亦許人自新。不見甘甯李勣古何人。

奉 聖諭勸民以忠孝勤儉讓五言敬衍爲里語
刊之石俾民誦之 五首

君門勿言遠率土皆 王臣惟 王日萬幾宵旰勤吾
民 王法苟不設豪强恣兼并盜賊危苦汝有田不得
耕汝耕况 王土暘雨皆 王仁如何不急公甘受迫
呼頻盍爲康衢民清夜夢不驚

屬毛離裏本天親因何世有不孝人或緣溺愛或責善
妻子生心兄弟怨反脣德色漸不恭誰知已墮禽獸中
鳥反哺羊跪乳禽獸知恩猶勝汝汝知禮佛與求天豈
知活佛在堂前覩然人面不孝弟天譴王法何能原

閒也過一日勞也過一日不見閒人精力長但見勞人
筋骨實閒人坐食錢山崩悔而欲勞百不能勞人雖勞
有好處女織男耕家道興從古陶朱稱富室算去總由
辛苦積君不見蜘蛛結網蜂釀蜜一日不勤則無食
敗絮與輕裘上身同一暖象牀與草薦睡著都不管珍
饈錯雜供一饜金碧焜煌徒外炫天生物力不易得暴
殄天物天怒拂今生用度前生積今年寬用明年急君
不見街頭廟角藍縷身半是當年奢靡人勸君省口腹
周恤窮民作厚福勸君省閒錢義舉善事傳千年
一言不讓訟端起一步不讓鬪不止一事祇有一便宜

我占便宜人喫虧讓人一著何妨礙過後尋思餘味在
人算乃短天算長不義爭來生禍殃爭來旋去招笑侮
推去還來得名譽君不見齒牙嚼物至堅剛百年未滿
先凋亡知苦知甜三寸舌善用其柔老不折

迎送上官伺應過客

公館謠

姚文焱

荆榛塞荒驛瓦礫填中衢廟宇三兩楹佛火照僧廚前
祀壽亭侯斂錢皆野夫昨聞繡衣過騎馬來吏胥吏胥
下馬坐指麾命村老縣官朝有令此地急灑掃丹牕施
粉墨牆宇芟蔓草村老方受命縣官早親至誅求到遠

村鞭撻無老穉不費縣官錢堂廡悉工緻煌煌莊嚴像
須臾盡屏棄繡衣剛一宿未聞顏色異旋諭逐苾蒨勿
復稱廟宇上官尋當來永永爲公府甯逢鬼神嘆莫逢
上官怒村老潛太息不敢言困苦播遷及明神愚賤何
足數

水陸送迎曲

張雲璈

大府肅肅行兼程百僚皇皇爭送迎送迎宜遠不宜近
遠則抒敬近匪誠此近彼不近晨發宵征敢不謹此遠
彼更遠百里雖逾安可返望中車馬塵且翬未見顏色
先旌旄大府車幘綠葡萄侍中之貂元戎袍扶輿而趨

兵衛驕長戈耀日森前茅文吏長裾玉束腰猛將寶劍
盤花繚車中罄咳車外應左右讐伏寒生毛道旁首下
尻益高領之而已無汝曹逢迎百計冀一當豈識十日
馳驅勞陸亦迎水亦迎畫船駱驛波浪生水迎更比陸
迎苦探剌不定心忤忤去亦送來亦送送盡天涯竟何
用華筵一路換紅氍侍從分行騎白鳳縣官奔走不得
寧百姓待判環訟庭訟庭萬事且閣束但向前途問遲
速。

朝迎客

又

朝迎客暮迎客道是客來在頃刻供帳之盛設錦茵廚

傳之具羅八珍探刺六七輩吏胥相顧毋逡巡但願客
喜無怒嗔今日曰不來明日曰不來傳聞遠近相疑猜
忽然消息如迅雷道旁奔走生風埃一宿郵亭卽命駕
清風肅肅生車下旌旗原止一宵留冠蓋竟無三日暇
候差行

胡濬源

迎節度來何暮候人羽書馳滿路急如星火縣令忙太
守相誠毋遺誤候館閑閑早糞除牧圉輿隸羣供具高
旌大纛森戟門牽繒裂帛纏桎梏倚几罍恩水玉鑲羃
地璫瑜文繡互燕麝金貌室滿熏厠牖蒙錦渾不顧一
時前驅負弩臨蹄塵踢起如煙霧轟厖雜還車騎擁道

左鞬脰膽徒御須臾相公下高軒輕裘俏俊簇奔驚珍
饅異饍擎上堂駝峰燕臠羅七箸十牛犒從猶未足索
錢叫號相嚇怒食終相公登前程一飯微情流水付吁
嗟奔走豈爲王事勤逢迎自愧多世故歸時會計費萬
緡笥衣典盡甌塵汚

乘驛謠

管世銘

昨歲使於越今歲使漢陽東南兩驛埃飛轡相追翔肥
驛富盤餐瘠驛窘芻豆肥瘠雖不同情狀歸一轆軒車
自北來偵騎卻先回頭銜甚赫奕牙爪何穢褻索增夫
與馬應聲連者者供頓少或遲筌楚輒交下縣吏自門

東磬折進紅封區區爲壽意願得資先容前驅聞此言
始覺有顏色下逮國與庖瑣屑各有得銀翅海鯨鱗絲
窩島燕銜數縵羅一品犀筋不三拈賄成乃得饋車騎
齊呼備看踏錦茵升私幸無咎恚亦有賢士夫守分不
敢逾從人祇四五儉薄如寒儒心言此下客草草具杯
炙授舍不掃除給馬惟骨骼漏鼓下三撾行人拂鞞
頻呼祇候隸相與醉倡家郵亭一老成漫應還徐步問
求緼火薪答言無買處使客意如何於吾則已多無言
催就道王事敢蹉跎彼也賓豈知此也主誰白作歌陳
兩端敬聽願凡百

桂超萬樂城紀事詩關城篇見守令門

迎大官

姚燮

江南一榜飛輕標偵使來傳大官到屬僚祇駕開驛門
從馬如雲肅囂叫樓船八字衝烟道十二脩舫兩行導
平頭奴子影絳纓巨字官銜繡黃纛手版答刺雜行卷
腰鼓蓼蘼促鳴礮大官升衢來珊冠豸服鞞重臺鞭聲
呵叱驕輿僊大官上轎去風旌日蓋錯森布手戟腰弓
六營護大官何所居巍巍邸宅陵上都燈屏桃李千花
敷爛然金綵生庭鋪大官何所食九江之豚洞庭鯽縱
橫方丈高一尺奇氣芬盎盎春液大官喜怒不可憑明

日大官還弗行

諂媚誤頌

生祠

沈欽圻

虎邱七里塘生祠何纍纍榱棟高入雲丹雘紛陸離連
牆與接牖屹然樹豐碑下承以鼉屨上蟠以龍螭華文
表德行大論抒猷爲某公居官日曲折行其私析利如
秋秧忘卻民膏脂文中頌清節飲水邁伯夷某公居官
日斷獄無矜疑五刑任喜怒罔恤童與耆文中頌仁愛
皋陶爲士師周覽諛悅文一例慙慙辭舊有遺愛人行
政介且慈行如打包僧蕭然去官時士民走相送各各

涕漣而誰爲建祠字惟留後人思好官無生祠墨吏有生祠好官與墨吏行人知不知

路旁德政碑

朱樟

登登杵聲築平地十丈長碑銜鼉屬輪蹄齟齬牽載來樹德銘功風有位古稱惠化勒官箴今拾腴詞矜美事文章無神紙價低杜母賈男供驅使德政碑考循吏如珠有脛錢有翅長留片石在人間口碑傳眞石傳僞似爲巧宦揚仁風亦與貪人記敗類雕鏤麟鳳徒爾爲石雖不言人可愧苔花未繡亭未成早有仇家毀其字君不見襄陽士女留餘惠裘帶風流今不墜縱無峴首作

碑錢當時亦墮羊公泥。

原上碑

方貞觀

原上豐碑高十尺。雙螭壓額龜趺立。銀鉤鐵畫三十行。
晴光照灼龍蛇跡。翁仲威儀儼漢官。駟驅駉駉文錦鞍。
琢雪鏤冰技淫巧。森森白玉蒼苔寒。一縑一字出誰手。
不辭下馬看良久。特書恩眷十有九。貂皮馬潼紅毛酒。
八閩開府旄節尊。更膺喉舌司天閭。回翔只在帝左右。
黑衣還乞補嬌孫。行人匆匆讀未竟。高樹夕陽看欲盡。
僕夫控馬催向東。倉卒旋忘尙書姓。吁嗟乎介休有道。
無愧訶峴山。至今人淚垂。延陵季子十字碑。紀功安用。

許多爲

李調元石匠行見擾累門

王蘇熟竹牀篇見貢獻門

邵無恙市馬行見科派門

樂器長官壽

彭兆蓀

長官壽長官不自壽僚吏相爲壽酒不必東海珍脯不必西方麟添籌有物在囊橐安用祝予千萬春門前賀客會堂上笙歌沸百醕醉不辭三更歡猶未是時歲闌天雨雪鄉亭屢報溝中瘠

兩歧麥

李于潢

熙朝重農事稼穡以爲寶寶不在符瑞而在實堅好守
令體此心閭里無餓殍去年春無麥上告苦不早今年
麥兩歧報者交孔道兩歧豈多有搜覓煩父老甚且求
鄰郡聞者堪絕倒未博大吏歡先見下民擾可憐逃亡
戶豐歲歸尙少譬諸溝中瘠形容尙枯槁疾愈求膏梁
肌肉憑再造何忍言符瑞何術致康保嗟哉麥兩歧不
如日再飽

富貴貧賤

直溪吏

直溪在太倉州北明兵部尙書凌雲翼居之

吳偉業

直溪雖鄉村故是尙書里短棹經其門叫聲忽盈耳一

翁被束縛苦辭橐如洗吏指所居堂雖貧誰信爾呼人
好作計緩且受鞭箠穿漏四五間中已無窗几屋梁記
月日仰視殊自恥昔也三年成今也一朝毀貽我風雨
愁飽汝歌呼喜官逋依舊在府帖重追起旁人共歎歎
感歎良有以東家瓦漸稀西舍牆半圯生涯分應盡遲
速總一理居者今何棲去者將安徙明歲留空村極目
惟流水

高門行

王熹儒

高門鬱嵯峨旭日照畫梁鑿石爲狻猊爪鬣兩奮張軒
蓋豔出入賓客承輝光滄桑世事須臾變空飛往日門

前燕斷礎徒纏秋草根荒榛只掩春風院西家巨賈金
錢多生兒衣紱鳴玉珂歸來甲第連雲起特建高門耀
鄉里買得東家門上柱崢嶸丹雘臨官路烹羊擊鼓犒
匠師還似東家初建時

石槨行

周士彬

君不見豪家貴人作遠圖自營石槨勞萬夫黃金爲牆
白玉壁萬年不動託山阿十里陰森植松柏豫作穹碑
高百尺峰迴水抱鬱佳城封待神仙不死客須臾身葬
骨未寒子孫先賣墓旁田木摧爲薪石作礎猶負携殯
飲酒錢發棺改穴售新阡鬼泣啾啾陰雨天買主忘卻

眼前事。重誇大地得山川。哀哉昔人愚可憐。何爲後人
還復然。君不見。要離冢畔梁鴻墓。一塚不封亦不樹。樵
牧無犯幾千年。代有人神爲呵護。

廢府行

朱樟

芙蓉城南屋無主。文杏爲樑桂爲柱。聞道將軍樹戰勛。
巴人炬赫誇開府。此府盛衰無十年。婦孺皆能指其處。
伊昔初開版築時。青粉圍牆築射圃。蓄牛私押王陵馭。
蠻女偷烝錦官土。平吞白屋敢誰何。隱佔六街遂無數。
堂皇欲創久長基。曲巷迴廊坐良賈。豈知造物先惡盈。
廣廈落成人不仕。乳鴉啼散閉朱門。畫鴿驚棲交網戶。

空梁紫燕鎖春風寶砌陰蟲啼暮雨君不見長安曾改
奉誠園子孫竟賣平泉樹一餉虧成自古然何限豪華
眼中取人間何事不滄桑傷力傷財亦何苦

弄潮兒歌

張景崧

錢唐江上弄潮兒放船拉槳乘流漸短布單衫不蓋鄰
科頭跣足暄朝曦自言大父官藍田堆金不計萬與千
阿侯年少邯鄲俠貂衣駿馬珊瑚鞭兒年七八掌上珠
逢人稱是千里駒雙鬟左右列屏障不教風著千金軀
大僚特疏上天子剋剝脂膏飾羅綺坐辮華屋入囹圄
一家夜哭長安市當時珠履客三千至今漂泊誰堪倚

洪濤江上高於天。性命換得青銅錢。豪華如電不可恃。
東昇紅日西山巔。沈歸愚曰子孫性命換錢由祖父
剋剝脂膏所致居官者盍一思之

煮鹽商

顧嗣立

煮鹽商銀鞍鑿蹏出紫韁。前驅呼喝行人立。黃羅繖影
隨風揚。本是西門大賈客。輸粟官高二千石。父授皇封
子部曹。門楣不數金張宅。可憐南國有詩翁。蠹魚老死
破篋中。敗壁酸風衣百結。半生莫送一身窮。乃知讀書
縱使五車熟。不敵黃金滿一斛。

高塚歎

陳章

昔年赫赫官中朝。炙手可熱氣焰驕。死葬空山曾幾時。

石獸顛仆華表隳子孫子遺且陵替先賣松柏復割地
舐糠及米勢漸侵翁仲無言時滴淚富貴是何物不能
潤枯骨枯骨不潤猶是可只恐他人作蓬顆

吟 裴馬歎

錢維喬

富者一飯費貧者數日糧富者一衣資貧者數歲裳
翩少年子挾瑟求名倡被體必綈錦列几恆羔羊盤羅
易牙味腰繫陸賈裝持身豈不貴所貴名譽芳區區口
體間苦欲爭低昂造物忌盈滿暴殄恐有殃

夜作畫

沈起鳳

朱門沈沈夜作畫金鑰倉琅開戶牖堂前銀蠟一半殘

主人睡起傳朝餐左有彈箏伎右有俠瑟倡玉簫金管
陳兩廂銜盃聽歌樂未央樂未央歌聲歇譙樓三鼓華
筵徹束炬門前出拜客

客懷雜感

張雲璈

揚州多富賈大廈連雲高門前車馬盛門內笙歌嘈司
閤六七輩一一長襦袍行者爲駐足仰之如絳霄遲之
才十年轉瞬風輪飄昨日過東家門巷風蕭蕭爲言主
人死事業如冰消今日過西家虛館生蓬蒿爲言有訟
事宛轉愁呼號家家題賣帖永閉雙銀牢萬事若流水
令我兩鬢搖富貴不可恃始覺貧賤驕

北方地高涼四十稱強仕南方氣卑濕三十衰已始嗟
哉梁帝言其味深且旨古今雖不同可以通厥理顧協
三十丑帝言已如此我年更逾之尤足驚馬齒星星陸
展髮茫茫昌黎視日暮途更遠河清壽難俟富貴莫太
早太早厭風波富貴莫太老太老惜蹉跎梅花未免早
芙蓉未免老芍藥與牡丹處時方盛好若作未開花生
來不如草

拆屋謠

范來宗

四座且勿喧聽我拆屋謠造屋之始何奢豪玳瑁爲梁
翡翠巢白玉爲砌黃金寮前堂擊鐘鼓後堂吹笙簫不

知夏之日冬之夜雨之晦風之瀟萬事盛衰如轉轂於
斯歌又於斯哭銅山旣倒一錢無屋卽是錢願拆屋動
爾翡翠巢移爾黃金寮前堂擊鐘鼓後堂吹笙簫折爾
屋者學爾豪學爾豪計獨絕不怕他年人再拆

坐熱車

王蘇

海西玻瓈畫重屏山西輪輻帶萬釘李家青嬴趙家白
嬴高八尺步九尺神行太保雙僕夫絲鞭笑挽青珊瑚
玉河橋下御溝水逐日西歸軟塵起酒樓樓上傾葡萄
戲車車後攜櫻桃路逢王孫亦衝倒熱車行來敢爭道
熱車如風風力狂掀翻垂柳復垂楊

吟 王侯宅

周 瀛

昌黎悲馬家東坡歎李氏
戔戔甲第高味厥傳舍旨高
明驚鬼瞰籍沒嗟如燬木妖
蹈覆轍大宅窮力起泉石
與花竹一一費經理更構生
壙屋地下求棲止快意適
當前失勢旋已矣門閉羅不
張蕭條貼賣紙

跑熱車

梁紹壬

雷聲耒耜長安街九達大路
揚塵霾忽然到眼疾如駛
奇肱之車飛而來車中之人
美如玉錦帶吳鉤新結束
車傍之僕秀且明窄襟禿袖
雙貂纓執鞭者如齊越石
意氣驕人殊自得此時可有
闔門妻窺見夫郎好顏色

試問輪蹄爾許忙來從何處去何方卻由羅綺開筵地
會向瓊瑜選色場色圍香陣銷魂劇鎮日笙歌喧不絕
錦上繁花火裏蛾此車亦復因人熱熱場熱客自營營
冷眼看他襌襪行直爲炎官効奔走非關汗馬博功名
緇塵我亦驅馳客敝車代步聊棲息相看肥馬氣揚揚
自笑蹇驢行得得

銘岳公子行見世祿門

以上富貴

乞兒行

錢澄之

乞食兒勿求飽如今惟有乞兒好富人有糧貧有丁羨
爾不聞追呼聲鄉里小民難到縣羨爾不見縣官面官

家賦稅多如麻。汝徒只稅籃中蛇。君不見富家翁朝防
吏人夜防賊。通宵有眼合不得。籃中蛇去值幾錢。草堆
一夜黦黦眠。

雜興

趙賓

置酒良燕會。金鑪吐香煙。氤氳白玉堂。繚繞珍珠簾。佳
人唱子夜。肉聲諧管絃。十千新豐酒。珍羞供客筵。密坐
傾金罍。天明指歸鞭。路旁百結子。呼號崩心肝。杯羹堪
續命。誰肯擲一錢。

哀羊裘

爲孫
八賦

吳嘉紀

孫八壯年已白頭。十年歌哭古揚州。囊底黃金散已盡。

笥中存一羔羊裘晨起雪霏霏。取裘覆兒女。亭午號朔風。兒持衣而翁。風聲雪片夜滿牖。殷勤自解護阿婦。裘之溫煖誠足珍。不得衆身爲一身。吁嗟乎。姓字不得嚴光比。羊裘冷落對邗水。

貧士屋

以下共四詠

李孚青

焦先蝸舍相如宅。牀竈纔可一籬隔。雞行几案犬臥門。蓬蒿四圍無比鄰。瓦稀茅碎雨注面。晴時仰首星斗見。擔泥補壁自覺奢。季倫廁上乃錦紗。

貧士牀

牛衣敝棄存青氈。橫眠欹坐恆憂穿。竹鬆繩朽少顏色。

似牀似榻人不識。偏仄未足六尺圍。半邊猶要容妻兒。
貧士有牀如有屋。成都費生莫相觸。

貧士巾

林宗一角世所效。子夏二寸殊可笑。淒風苦雨歲月迢。
多情偏戀書生頭。狂來漉酒滑不漉。髣髴奚辭小沾濕。
醉眼直視興咨嗟。何時雙插長安花。

貧士僕

視奴如視良友朋。衣食同己那敢憎。家貧諒不扞牧圉。
一日勤勞但炊煮。立睡觸屏呼不應。命之他事嗔怒生。
主人縱是蕭穎士。吾曹所愛非文吏。

緯夫吟

許承家

客子三千道。日夕不停艣。所嗟風雨甚。赤腳弄舟苦。木板橫當胸。直與風伯忤。氣勢全用逆。鬪智還鬪武。身折常偃僂。力欲代柱礎。有錢具蓑笠。無錢鮮寸縷。况復調饑人。容色淹如土。失足深穴中。肩背淪水渚。其或仆在地。呼吸憑豺虎。嗟彼百役勞。疇堪與茲伍。如何舟中客。高坐歌且舞。所以何易于腰笏。傳千古。

杖頭錢

張篤慶

富莫富於杖頭錢。貧莫貧於嚴道之銅山。銅山鑄錢萬萬千。到頭不得名一錢。杖頭百錢真我有。取自杖頭且

沽酒今日百錢今日醉得錢沽酒常酣睡君不見何曾
一日食萬錢便欲下箸心茫然洛陽離亂救不得縱饒
沽酒無顏色眼看荆棘埋銅駝錢乎錢乎奈若何

廝養兒

唐孫華

南人養兒鬻旂下朝刈薪芻夜餵馬羝羊可乳烏可白
此生已分歸不得日月西出河倒流此生辛苦無時休
一斗黃粱不濟饑失意動復遭鞭笞敗簣裹尸棄坑谷
耶孃在南知不知君家有犬得人憐朝朝食肉常安眠
爲畜翻貴爲人賤物情顛倒誰爲辨自悲生死草菅輕
不如作君堂下犬

誰氏子

高岑

翩翩誰氏子昂藏七尺軀少年競結納坐失居與諸亦
有膏粱味亦有華屋居華屋客滿座結伴同撈捕夏日
呼垂簾冬夜邀圍爐紅粉出燈下玉手擊醪醕千百賭
一擲那計雉與盧顧盼但長笑以手拈其鬚流連日復
日酣歌無時無羣居詎能久囊橐將無餘譬諸彼蟬蛻
形具中空虛不惜計稱貸聊且恣歡娛矜言貴適意甯
屑爭鎔銖乃如蝸牛行背負重莫除良田及廣廈先後
償急逋典鬻到簪珥漸次捐羅襦階塵日以積炊烟斷
空廚賓客各散去貸者盈門呼妻孥間一飽父母常嘅

吁而彼轉曠達強曰我丈夫窮通偶然耳戚戚何爲乎
閉門託高臥解衣易殘醕獨飲且獨樂片席猶瓊瑜兒
女臥就地遑惜寒刺膚此則如尺蠖壁間藏須臾昨日
有客言遇之遊通衢袖手頗悽慘舉步常趑趄偶逢舊
時友探囊索青蚨青蚨僅滿百感不干金殊惟彼顧之
喜顏色旋安愉謝去入酒市場揚呼當壚當壚厭且避
自起持一壺殘羹或冷炙佐酒乃所須恨不大快志好
友來與俱得醉暫歸去明日復如初我聞頻歎息一一
聊具書書示少年子無論賢與愚內省存入室外交防
出閭膏粱與華屋蹉跎須憂虞妻孥與父母篤念須勤

勸慎勿學蕩子。終竟將何如。

蹇客歎

朱倫瀚

秋風颯颯雨蕭蕭。霜天寒夜思迢迢。月征鴻飛不定。
忽聞蹇客悲聲高。蹇客家本長安市。自言先世皆金紫。
幼鄙詩書好治遊。千金結客等閒耳。朝朝花底肆賓筵。
夜夜吳倡樓上眠。一任冰霜風雪裏。溫情熱酒不知寒。
那堪景物春來變。好夢啼殘驚轉盼。金盡顏枯美人別。
勢輕氣短良朋散。鄉國從今悲寂寞。卻是他鄉遊作客。
一客便經三十秋。歲歲思歸歸不得。眼前秋月與春風。
燕來雁去各西東。鬢邊賸得千絲雪。夢裏都無氣吐虹。

吁嗟勢力終難倚一歲花開能有幾試看少時嬌可憐
不道今朝愁欲死

擊柝行

錢孫鐘

街頭月黑風淒淒戍角吹斷行人稀鄰翁抱柝出門去
兩腳無韉身無衣孤燈明滅背蓬戶卻倚喁喁訴愁苦
自言窮老無子孫柴骨行將委黃土日謀衣食東西奔
暮還擊柝守閭門飄蕭素髮更誰恤手腳僵凍眼難溫
丁丁永漏安能曉滿地繁霜壓枯草良田盡入富豪家
守望何偏及衰老五更膠角籬根發斷續柝聲飄未歇
紅樓錦帳春融融何人知有擊柝翁

菜羹吟

鄭少翔先生家居對客每談菜佐酒首唱是吟同輩和之

趙知希

造物貴生意飲酒乃其常飲食而役役生意恐不長富者厭珍羞貧亦慕膏粱可憐竭山海都爲口腹忙古人制飲食而不厭其詳菜亦可作羹留與我輩嘗鄭公雅閉戶四壁擁縹緗有文祇自貴無肉竟何妨折簡招同志把袂俱登堂塵甌醬已熟對食坐匡牀浩歌發清籟終吾生徜徉

春米行

祝維詰

雀飛忙穀上倉誰家相杵聲低昂年豐妻子飯不飽貧春甯惜筋骸老從朝下當至日哺鰥之蹂未蘇主

人猶嫌力作麤糠粃一半抵青蚨爲言主人莫相賤古
來賢達傭中見溷跡塵埃那得知請君試讀梁鴻傳

賣菜謠

又

賣菜翁朝朝負擔來城中日未及午筐已空一日失利
心煩忡嚴冬紛紛雨雪作壓破短衣赤雙腳往來窮巷
買無人土竈烟銷啄餓鶴天寒何處開朱門羊羔日暮
閒金樽登盤誰識齏鹽味日食徒供萬錢費

舂米傭

汪孟錫

九月穀在場家家杵臼將舂聲近遠相和應強半無食
爲人忙短衣不過膝騰身高下趁徐疾自分爲傭甯惜

力汗流浹背未遑息。酬勞珍重主情厚。提壺爲買前村酒。家中妻子方嘯饑。乞得糠粃歸自負。

賣菜翁

又

老翁菜種隨時得。攜筐剛及紅輪出。腳踏淤泥苦不辭。喘吁或止窮簷側。日既斜雪又下檐。壓肩頭尙盈把。叫斷村莊市橋下。富兒但識羅八珍。玉盤未覩酸齋陳。吁嗟菜根亦可齕。君不見老翁菜未飽。

京語雞毛房

蔣士銓

冰天雪地風如虎。裸而泣者無栖所。黃昏萬語乞三錢。雞毛房中買一眠。牛宮豕棚略相似。禾稗黍稷誰與致。

雞毛作茵厚鋪地還用雞毛織成被從橫枕藉鼯鼯滿
穢氣熏蒸人氣暖安神同夢比閨房挾纊帷壇過煖館
腹背生羽不可翽向風脫落肌粟高天明出街寒蟲號
自恨不如雞有毛吁嗟乎今夜三錢乞不得明日官來
布恩德柳木棺中長寢息

輿夫行

謝啟昆

南方馬少竹輿輕後先兩兩肩相并芒鞋赤腳踏山坑
烏蓬笠重油繖明渴吸溪流饑腹鳴綠荷包飯甘如飴
衣冷似鐵面黑頰潤水冰寒浸兩脰白霧漫空迷雙睛
前村虎嘯山魃驚月黑無人尙宵征不敢駐足委榛荆

憑軾覩此心忤忤服牛乘馬聖有程以人代畜殊不情
此亦人子嗟惇惇况忍役使加笞撻哀哉聽我輿夫行

貧士吟

畢沅

江城三日雪霏霏有客雙肩白板扉竈突無煙甕無米
淒涼坐擁青氊衣殘年何處謀升斗躡屐衝風詣親友
不慣低顏訴向人幾番欲語終緘口薄暮依然徒手回
琴牀硯席吹浮埃清茗一盂燈一盞瓦餅吟對梅花開

挑菁女

黃河清

挑菁女鄰嫗相逢憐相語問女生小容楚楚乍可鳴機
當窗戶何爲野田荒荒零露清日炙風吹未言苦大菁

滿地嫌不取細菁終日不盈筥賣向豪家賤如土豪家
女兒不下堂移步小鬟相扶將奴子買菁連十筐精擇
細斫和餛飩纖手不動張頤嘗而我與爾易米糲糲糠
菁芽何曾充饑腸爲汝太息還自傷女謝嫗言妾薄命
人生如花飄莫定黏茵墮溷惟順聽織婦布裙不掩脛
耕夫脫粟不充飢富貴于我心無競蓼蟲習苦甘若性
低頭挑菁歸已暝

寒士行

吳熙

寒士非無交所交非所親張目六合中誰爲同心人倣
屣旣決踵縕袍不蔽身側足里黨間自顧覺不倫里黨

多富豪類聚相主賓珠服而玉饌行樂無冬春念彼簞
人子一步一逡巡中心如有違欲言向誰陳囊中葭由
出膀下安敢嗔豈伊無意氣飛揚歎無因天意不可知
疇能無屈伸聊爲寒士行永厲寒士神

典衣行

程贊和

出門苦無衣到家苦無食四壁悄無聲妻孥探消息無
衣一身寒無食一家饑充我一家饑典我一身衣嗚呼
此衣如故人寒能衣我饑能殮衣兮衣兮與我別一夜
寒風吹急雪

絳夫行

仇養正

赤岸黃泥三尺許兩腳埋深不得舉反腰貼地僂僂行
聲吞力盡氣如縷船頭大賈急歸裝催程那得少延佇
凍脛朝涉或截冰單衣射風忽仆土江南行盡復淮南
甯教耕耨胼胝苦我今對此重愴然願天無風亦無雨
牽繩不妨步作蛇執板還看拱立鼠

更夫歎

吳昇

冬日苦短得日尙暖冬夜苦長匪雪卽霜欲農無田欲
賈無錢廢寢謀食乃作更卒柝鳴橐橐鉦鐙鐙風蕭蕭
兮裂下裳腰彎股栗十指僵修亭守犬不吠影橫路惡
鬼時打牆篝燈倦向短檐歇醉吏怒聲促開柵踉蹌啟

鑰何敢遲有夢不知牀與席雞三號星一色寒宵不放
東方白朱樓翠閣道旁連一路甜黥花底黑

乞兒歎

梁玉繩

世間苦樂何不均富者富矣貧者貧豈知貧中猶有樂
最苦惟應是乞人蓬頭垢面走城市形似枯柴命如紙
日暮喉乾聲漸低一錢不得饑欲死手持盃杖軟無力
食店門前揚目視况逢大雨街成河泥滑水深將奈何
又或風饕雪肆虐皮膚欲裂甚撈掠夜來淒切聳雙肩
破寺檐前曲臂眠道旁呼問汝何氏當初本是良家子
良家子竟如此烏虜富貴不足恃

過雞毛房有感

梁道灸

拾取雞毛積似山
幾人駢臥穢房間
重裯疊褥多嫌冷
豈識貧民一被難

一覺醒眠四體僵
熏蒸惡氣滿東廂
平生抱歉無他事
未作長裘蓋洛陽

陳文述哀凍死者見歲時門

無居歎

許昇元

孤雲在天無與親
溝中之斷離其根
男兒骯髒不得志
寒熱都成襌襪人
長安多甲第去傍
誰家門懷中之刺
字已滅胸中之鐵
鋼已缺吁嗟乎蝸
有廬兮牛有宮將

焉置此七尺躬

無煤歎

又

駝峰纍纍卸黑鐵攪水和泥印如切高堂大屋煖生春
圓爐滿熾堆紅雪誰憐手龜指疥裂破紙條條搖敗箠
此時輾轉念家山山中木葉猶堪拾

無米歎

又

書空日學無米帖釜底蕭蕭響枯葉旃檀香斗隔前塵
夢將羊鬚珠墜粒跳踉饑鼠過牀側身不遑謀甯汝卹
古經空注侑飯三祿籍翻思齋甕百吁嗟乎其嗟可去
謝可食世上黔敖未易得

無衣歎

又

無玉可懷并無褐朔風凜凜雪三尺瑟縮簷前凍禽立
凍禽尙有枝可棲貧士欲歸何處歸君不見空牆日晚
少陵泣范叔綈袍贈有誰

紫花草

哀貧婦也

越中民田多種此草夏日至而夷之用以肥田有貧婦日

掇其花療饑爲田丁所覺至褌其裙婦恥甚解腳下行纏縊于隴畔查揆

紫花草春風吹東家花開田自肥西隣有婦炊爨去
年田中五斗穀官租私逋償不足兒啼饑婦夜哭東家
飯雞呼粥粥紫花草春風吹饑烏欲啄心徘徊田丁來
布裙褌兩字饑寒竟至此紫花滿地貧婦死

貧士詠

吳存楷

貧士忽修飾上下完衣巾清晨忍餓出去去求所親所
親有上客車馬橫當門徘徊重簷下側足立逡巡客去
主方暇進謁通殷勤修辭苦未工欲語顏先赧初言久
懷憶繼乃陳艱辛辭終若未聽屏息不敢嘖但聞呼幹
僕立取錢千緡持爲長官壽薄獻非酬恩

貧士歎

熊士鵬

饑必食玉山禾渴必飲廉泉水貧士有奇懷膏粱齟齬
何足齒瘦妻在前泣瘦男在後啼地荒天黑盜蜂起瘦
龙唁唁聲何悽室中何所有蠹書不可以爲衣室外何

所有石田不可以療饑朝拍木皮暮掘草根道逢富人
騎馬如顛酒肉饜其腹泉布悍其顏揚鞭捋鬚向我笑
晝不如田田不如錢

哀破屋

黃安濤

哀破屋破屋良可哀三朝大雪蔽天來屋梁壓重枯朽
摧西城斃妊婦南村殤幼孩斯人何辜罹此災嗚呼七
尺身託處一間屋瓦頂千斗也要福頭頂千斗瓦也要福來招吳語也

米價昂

陳德調

八月米山積貧民出糶富民糴三月米價昂貧民往糴
富民藏終歲勤動事五穀何曾半月飽糜粥去年禾稻

僅半收輸租富戶無存留滿望麥豆暫濟急又苦縣吏
勤誅求脫衫典錢往入市米價甯計一倍止多充糠粃
與草根撐腹聊睎眼前死須臾緩死亦何爲其奈高年
及稚齒吁嗟天地心一樣生蒸黎富民何樂貧何悲我
思此事不足悲循環迭運恆如斯君不見鳩形鵠面沿
門乞食向人啼從前半是富民兒

朔風篇

孫吉昌

朔風吹曉日日淡疑籠烟衾裯如潑水足縮同鷺拳曉
起欲呵筆硯池冰已堅兀兀袖手坐方寸多煩煎高堂
垂白髮食飲少肥鮮老父課孫讀几席寒無氈阿母躬

操作歲暮百憂牽當此沍寒日澀縮衣猶棉豈無百結
裴典質青銅錢囊空未能贖范叔誰相憐書來慰兒念
云爾當勉旃我喜日曝背冬暖無今年讀罷淚如霰有
子亦徒然

賣菜婦

姚燮

賣菜婦街頭行上有白髮姑下有三歲嬰賣菜賣菜叫
遍前街後街無一膺 昨日宜單衣今日宜棉衣棉衣
已典無錢不可贖嬌兒瑟縮抱娘哭 娘胸貼兒當兒
衣娘背風淒淒但願兒煖兒弗哭兒哭剜娘肉 莫道
贖衣無錢牀頭有錢牀頭有錢三十餘買得一升米煮

粥供堂上姑餘錢買麥餅爲兒舖
得過且過明日如何
明日天晴賣菜街頭行
明日天雨妾苦不足語姑苦
兒苦

村塾

彭蘊章

天寒雞啼早家貧兒子好所見無異物
鉏犁及灑掃日出抱書來出塾送歸鳥
問童何所求文字粗通曉禮義可守身
力耕以終老誰家統袴子聰明矜少小
嗜欲紛相攻廉隅不可保蹉跎久無成
門戶嗟潦倒

賣書行

彭兆蓀

十家士人九不給貧極捨書成慣習
萊蕪室內鳴饑腸

故紙堆中搜秘笈當年甲乙重標題萬卷遙知費編輯
芸葉曾防羽陵蠹錦贖或用波斯襲浮雲世事不可久
卻爲兒孫覓升斗遺業曾無八百桑舊家自有千金帚
傾筐倒篋驅鱣魚載以兼兩薄畚車易錢難比瑤華乘
書券分明博士驢富兒有書不解讀貧兒欲讀無其福
餅金輦致玩好同插架牙籤手誰觸白氏楊枝臨去吟
教坊後主新降曲明珠脫手各傷心同向豪門成一哭
平生我亦書是娛此事甯保他年無徑須營辦五畝區
去作識字耕田夫穰穰但祝年屢豐雖貧不賣杵與舂
人間長策無如農農夫一笑稱未善君不見鉏犁昨爲

輸租典

絮衣歎

夏之盛

絮衣薄不耐寒。強衣究勝布褐單。連朝大雪積盈丈。幾家屋圯人傷殘。屋圯無住處。捉襟况復肘頻露。有人施衣拯爾寒。饘粥全無歲曷度。歲曷度。饑極抱衣入質庫。

車夫行


鄒在衡

趕車夫趕車。夫驟車一輛。走道途。天寒夜半。聞客呼堅冰在鬚。風裂膚。四更上路。行步徒羊皮。作衣還作帽。車行騰騰一鞭掉。打尖已過睡如泥。客在車中任顛倒。自言家住在天津。離家尙是今年春。妻兒翁嫗紛待哺。寄

錢並少還鄉人西行直至蘭州府南行又至清江浦送
客行行盡到家不管車夫路中苦牙行投入將車卸住
久無錢向行借出店難言尅扣多义手和人索車價前
途見說多火牌安排館驛迎官差卸車怕向拏差處車
來準捉當官去 以上貧賤

安溪李文貞公句富貴每因驕佚敗貧窮半是情游
成蔣心餘句古來名士窮難送天下才人貴亦勞黃
退庵句八日無飢真樂事一家少病即神仙吳山尊
句君子處富貴炙手中不熟堅白惟自完百試不磨
涅歷城楊爽山句無人知爾方爲貴有地容吾不算
貧順德黎二樵句生如草木真爲死士有詩書亦可
貧紀文達公句貴賤皆有營百歲
誰得閒但使妄念淨卽爲善閉關

國朝詩鐸卷十九終



考試補

試院述懷奉同事諸君子

鄂爾泰

乾隆歲壬戌二月舉賓薦再命領春闈惕息彌驚憚
自惟荒落姿學植無偏擅況乃衰病牽心搖目昏眩聚
奎仰高堂旁求殷秘殿恃此衡量才奚翅憂咎譴所
願同事賢深感皇情眷分校十八人一一瀛洲彥學
優行尤方力充才不炫流派窮淵源元音審正變從來
科目場功過常居半瑁璫飾風標鹵莽矜月旦論文貌
雌雄憎命形歡歎文章品類殊穢潔各眞贗拙樸合離
奇穠華並孤幹或瘦而溫腴或短而精悍但令氣味存

妍醜皆生面凡有瑕與疵吹求自躬先惟虛明斯生惟
明公斯現虛明兩或虧一公詎能判無心以爲心見見
原非見勗哉慰貼平庶以答 恩盼

已酉福建闈中閱卷示同考諸君 陳 浩

校文同靜夜不覺漏聲沈官燭三條影寒窗十載心秋
風多健翮流水待知音政恐泥沙底元珠未易尋

庚辰春闈聚奎堂用壁間明人韻錄 蔣 溥

槐陰几席正春深肅肅高瞻儼 帝臨勉以虛公酬
主遇誓將辛苦選儒林燭華尙憶三條跋漏點徐聽五
夜沈舒眼敢云眞賞在但無成見卽平心

運際重熙 雅化深賢關曾荷 聖人臨從今不薄邀

天語乾隆九年十月 上幸貢院 御製詩四章振古

為昭式藝林一世功名歸理數片時得失聽升沈請看

案上糊名卷盡是風簷寸晷心

按袁枚隨園詩話載蔣荅生分校禮闈作詩云再然
犀炬照波心恐有遺珠碧海沈記得當時含木石十
年辛苦作冤禽朱香南子年有句云寄語羣公高著
眼青衫明日淚痕多余甲子分校亦有句云帶入秋
闈示同伴當時落第淚痕衫趙懷玉亦有生齋筆談
記常熟江東山修撰繹闈中分校三絕句曰三更獨
自卷簾坐皓月青天見此心曰敢恃平生養意氣誤
他燈火又三年曰不知繫尾留多少待遇中郎已半
焦人傳誦之

又按張文和公廷玉澄懷園語記丙戌分校春闈有
同事人以微詞探余者余逆知其意因作闈中對月

絕句四首中有云簾前月色明如畫莫作人間暮客
看其人覽之懷慙而退士林頗傳誦焉以針詩雖壯氣

南園揭曉日示多士

裴曰脩

門外青袍如立鵠十年前記此間過自維舊業成荒落
端藉新知與琢磨卷裏蟲魚催我老榜中龍虎得人多
只愁結就珊瑚網別有遺珠可奈何

和貢院詩

寶光鼎

三條漏盡夜深沈嚼徵含宮費苦吟誰似賈生能策治
漫希揚子好思深主璋有價諮都市梁棟須才訪鄧林
自古人文關國運虛公端合體 皇心

乾隆甲子 上幸貢院號舍 聖製七律四章有
志聖賢志須當立言孔孟言大是難句一時館閣

大臣競和難字相國史貽直云漏燧蠟淚終宵易
筆走蠶聲得意難于敏中云若論觀國非容易詔
到知人哲最難嵇璜云五色賦成迷目易三條燭
燼稱心難尚書汪由敦云披沙不道求金易抱璞
應憐獻玉難侍郎勸宗萬云盡除積弊持衡
重特命新題鄭說難見李調元雨村詩話

寄蕭史樓殿撰

錦忠

楊彝珍

時好日以頗科法因之弊下品置晁董上第擢鍾衛繆
種滋流傳波點競妍媚不知筆吏徒笑贊休明治

林昌彝詩話曰道光庚戌歲御史戴綱係奏嚴試策
以條對剴切為主宜刪去繁聯不拘定字數且勿專
尚借法奉旨允行楊性農
庶常此詩可謂切中時弊